

小檀樂室彙刻閨秀詞

711.3
52816
28

卷之四

四

閨秀詞鈔卷十五目

沈芳_{十二首} 江淑則_{七首} 龔自璋_{一首} 吳柏_{一首}

沈珂_{九首} 萬鈿_{一首} 朱雲裳_{一首} 張芥_{一首}

張屯_{一首} 吳麟珠_{一首} 陳素安_{三首} 汪靜娟_{一首}

劉□□_{一首} 湯芷_{一首} 夏儁雯_{一首} 陳銀_{一首}

秦楨_{一首} 吳清蓮_{一首} 盧蘊真_{三首} 周敏貞_{一首}

黃蘭雪_{三首} 韓瑛_{二首} 丁采芝_{二首} 朱美英_{一首}

徐紹芬_{一首} 黃璋_{一首} 張芬_{二首} 燕翼_{一首}

鍾維則_{一首} 方懷英_{一首} 姚若蘅_{二首} 包韞珍_{二首}

錢令芬_{二首} 程□□_{二首} 李華_{一首} 蔣□□_{一首}

于曉霞_{三首} 于懿_{二首} 勞紡_{七首} 吳小貞_{一首}

千載靈
三首
小良一首

幾合衣
三首
口口一首

鮮鮮眼
一首
口口一首

翁翁衣
一首
口口一首

黃蘭雪
三首
口口一首

秦劇
一首
口口一首

口口
一首
口口一首

口口
一首
口口一首

口口
一首
口口一首

口口
一首
口口一首

口口
一首
口口一首

263381

閨秀詞鈔卷第十五

南陵徐乃昌撰錄

沈芳

芳字夢湘吳縣人諸生顧昌賢室有寂寥詞

黃韻甫云夫人好讀書耽吟詠兼工繪事筆墨所入輒以周貧乏日吾無饑寒憂留此何用懔慨豪爽有俠士風詞律謹嚴神韻超妙足以洗刷浮濫

浣溪沙

題白華夫人墨蘭遺冊

見絕妙近詞

級佩無由到澧湘畫眉窗下細評量纖纖腕底自芬芳

仙種料非懷夢草墨花豈是返魂香教人輾轉思茫

茫

長亭怨

秋柳

斷魂處冷煙疏雨遠岸斜橋亂垂殘縷漫說風流可憐
不是舊張緒春前曾記向鏡裏描眉嫵換了好繁華更
瘦減腰肢難舞 秋暮剩殘蟬留戀葉底抱吟淒楚鶯
梭燕剪恨拋卻青青都去最怕聽唱徹陽關又勾起離
愁如許過幾點蘆花休認長條飛絮

東風第一枝

送春

玉笛臨風金杯醉雨愔愔綠暗芳樹夢中猶覓春痕病
起又添別緒鶯留蝶戀只杜宇催他歸去望小橋一片
傷心細草遠連南浦 頻擲管自抄近句恐灑淚向時
游處采蘭且待明年折柳定難少在月樓花館算盡是
短長亭路悵美景來往匆匆可惜等閒虛度

綠意

春草

濃連水色弄嫩晴冉冉青徧南陌別去王孫愁滿天涯
細雨又逢寒食銷魂最是汀洲路有翠袖蘼蕪同拾記
送行此地曾經古道尙嘶金勒珍重登樓望遠亂紅
點綴處還襯游屐鬪罷纖纖小巷人歸但見煙痕狼籍
餘香不斷斜陽瘦影幾度蝶尋蜂覓想畫間夢繞池塘
好試謝家吟筆

齊天樂

送秋露詞人北上

臨歧方悔相逢晚新愁滿懷難訴倦撫瑤琴閒拈象管
怕唱一聲南浦江空歲暮看落葉荒村亂山無數正恨
無聊片帆偏又載人去迢迢故鄉漸遠對泥林草屋

應念朱戶夢繞孤燈寒欺客帽休更聽風聽雨離情最
苦問甚日歸來詠花同步欲寄鸞箋雁聲沉宿霧

東風第一枝

柳絮

見詞綜續編

拂水成蘋隨花吹淚韶光欲繫難住漫疑晴雪飄香豔
說謝庭咏句尋芳漸懶怪小巷綠陰如許向樹底亂撲
輕煙腸斷踏歌人去空倚徧繡簾綺戶難忘是寶煙
翠羽落紅猶積谿橋那得一般解語離懷正苦莫誤認
鬢絲添素更杜宇催送春回幾點弄愁疏雨望斷
一枝春春雨
竹弄輕寒又廉纖釀出離愁多少香車待覓小徑溼煙
難掃蕭條院宇漸綠長滿階芳草空自望千里行雲雁

足不傳書到 黃昏最憐人悄正疏簾半卷一燈相照
十年舊事頓使暗縈懷抱寒衾倦聽和鶯語隔窗催曉
腸斷是零落梨花好春易老

念奴嬌

落花

香銷玉減又東風斷送輕紅撩亂誰倚湘簾彈粉淚一
霎閒階吹滿天上瓊宮人間金屋豔色難常戀飄零如
許杜鵑深夜唳斷 惆悵薄命生成韶華逝水夢裏人
難喚曾怕寒欺圍錦帳又替花愁春短忍拾殘脂慵尋
碎佩獨立深深院多情明月照來離恨何限

夢回寒怯正雨餘小院斜飛香雪一曲玉龍吹

落梅

曉霜喚

愁絕寂寞閒谿照影空孤負五更殘月料倩女裊裊離
魂昨夜返瑤闕 情切向誰說記翠袖凭闌那回同折
冶游易歇江北江南忍輕別腸斷幾聲怨鶴偏絕似唬
鵲淒咽悵後約橋畔路但看綠葉

憶舊遊

記梅邊款語檻外論詩靜院無人短夢憑風過悵花飛
蝶瘦易誤芳辰冷香尙留殘菊簾卷更銷魂又作弄秋
聲梧桐細雨生怕黃昏 思君舊吟句道一樣愁懷共
掩閒門眼底淒涼況料春暉同恨珠淚沾巾小橋暗通
流水空自約湔褻但倚徧危欄悠悠望斷日暮雲

長亭怨慢

次步華夫人韻

正惆悵綠迷烟樹夢隔紅樓暗愁如許燕子啣花此時
春滿畫橋路舊游難續還只恐流鶯去獨立蒼苔記
那日弓鞬同步延伫怨東風易老兩地錦箋慵賦懨
懨意緒但鏡裏恨添眉宇閉閒門暗數韶光枉過了幾
番晴雨又滿院濃陰生怕蝶來都誤

醉花陰

見斷釵吟

鏡裏鸞分釵折半牽惹離腸斷記取乍簪時綠鬢朱顏
已被秋霜換馳驅萬里關河遠淚灑瓊花館回首黯
銷魂秀句吟來字字香生管

江淑則

淑則字閬仙昭文人舉人之升女同邑附生俞

鍾綸室有獨清閣詩詞

玉瓊集閩仙工詩詞兼通繪事早卒

柳初新

春柳

見詞綜補

灞岸驪歌初送別眉暈翠痕輕碧丰神嫵娜劇憐飄逸
瞥眼疏疏密密疑是垂雲環列欲攀枝離愁難說未三
起三眠時節萬千絲香郊芳陌鷓鴣喚雨鶉鶉啼日晝
出清明寒食鎮銷魂數聲長笛

更漏子

四月十四日五渠觀水嬉是夜微有月色
燈彩甚佳戲填此闋

月朦朧燈搖曳掩映畫船佳麗瑩酒色膩花香輕風送
夜涼呼廻櫂人聲擾笛韻臨風嫋嫋筵乍散曲初終
閒情笑語中

踏莎行

春夜

新月娟娟花陰沈靜夜深獨自穿芳徑金鈴犬吠悄無人池塘涼浸春星影引起詩魂吟懷誰省隔林宿鳥枝頭警不教幽夢落銀牀蓮鈎露濕蒼苔冷

浪淘沙

踏雪

見玉瓊集

一笑步瑤階清景殊佳不曾顧惜鳳頭鞵低首凝眸渾不覺深處偏埋纖手整金釵詩興難排探梅不必到天涯自有疎枝庭畔倚折向蕭齋
一輪月似新磨鏡梅花弄影縱橫夜闌深院暗香生尋詩臨妙境願結歲寒盟莫是姮娥憐玉貌流連欲畫

踏莎行

月下看梅

蘇軾詩曰月自照花自開

難成忽聽街鼓轉殘更幽光無限好玩久覺風輕

一
詞賀新郎

和韵答閨友

落落深閨裏賸樓頭一輪皎月是儂知己自顧此身如
倦鳥棲息枝頭垂翅只披讀離騷銷志不信詞人都福
薄看千秋得意曾能幾傷心處已無淚生來無分窮
經笥日銷磨鍼箱綫帖可知遭際滿院涼烟秋雨後多
少閒愁慵記嗟榮利渾如敝屣天地雖寬羅網密料人
閒獨醒談何易把萬事付酣醉

浪淘沙

春去

病起聳吟肩新綠連天一雙燕子語春煙笑問東君歸
去否補餞芳筵荷葉疊青錢風景堪憐離情忽被落

花牽滿地殘紅留幾點魂斷闌邊

龔自璋

開創自璋字圭齋一字瑟君錢塘人蘇松太道麗正

水女徽州朱祖振室有圭齋詩詞

杭郡詩三輯自璋母段淑齋夫人爲若膺先生之女能詩有綠華吟榭詩草一冊手寫書法娟秀

金縷曲

和吳蘋香夫人

見春草堂詞話

海樣韶光好捲珠簾豔陽天氣鶯啼春曉柳壓紅闌花
映戶閨苑飛塵難到羨清福如君絕少絮弱風狂都莫
管坐文窗珍重如仙貌休只是替花惱人生大抵憐
同調費幾番沉吟握管挑燈起草百幅濤箋揮翠翰要

與錦機鬪巧覺漱玉當年才小香夢欲成還喚起聽聲
聲花外啼嬌鳥雲鬢亂玉釵掉

吳柏

柏字柏舟錢塘人太末女陳元璧聘室有栢舟

集

婦人集栢舟未嫁而夫卒栢舟衰麻往哭遂不
歸母家苦節十餘年遭疾夭歿詩極鍛煉詞尤
富而長調更工不減徐湘蘋夫人也古文尺牘
在明瑛之上真奇女子矣

水仙子

泛湖

見玉瓊集

湖開曉鏡碧如油山列煙屏翠欲流小橋十二繞芳洲
柳中艤花外樓錦隄金勒試驂騑風淡宕鶯花麗水
空明苻藻浮聽不盡簫管歌喉

聚沈闕珂惠籍鄴山詩長安

蘇窗春珂字雲浦江陰人休甯知縣耀盞女會昌知縣

相伴天武進黃曾慰室有醉月軒詞

詠正字

栗香隨筆云余贅會昌兩年地近庾嶺冬日頗暖桃已盛開臘月後雨雪數寸時同人結湘吟

無言處

社以雪裏桃花命題外姑沈太宜人先成絕句云本是瑤池天上種無端輕薄被人猜從今一

良辭也

洗千秋恨也抱冰心傲雪開數株映雪影橫斜

雲花裏

寫桃花和者皆莫能及

目瀾浪淘沙

見詞綜補

簾捲百花香柳綫飄颺鶯梭燕剪往來忙二十四番風

信裏幾許韶光暮一詠一傾觴酒滌詩腸揉花鬪草賽

芬芳流水落花飛絮舞都是文章